

Krizni stožer Federalnog ministarstva zdravstva, u cilju daljnjeg praćenje situacije i poduzimanje mjera radi sprječavanja i ranog otkrivanja eventualnog slučaja bolesti izazvane novim koronavirusom (COVID -19), koja je Zaključkom Vlade Federacije BiH, V. broj 164/2020 od 31.01.2020. godine proglašena zaraznom bolešću čije je sprječavanje i suzbijanje od interesa za Federaciju BiH, na 4. sjednici održanoj 24.02.2020. godine, sukladno odredbi članka 6. stavak (5) Pravilnika o ustrojstvu i načinu rada Kriznog stožera Federalnog ministarstva ("Službene novine Federacije BiH", broj 10/12), donio je sljedeću

N A R E D B U

1. Nalaže se Federalnoj upravi za inspekcijske poslove, kantonalnim kriznim stožerima da, u cilju ranog otkrivanja eventualne pojave novog koronavirusa (COVID-19) na području Federacije Bosne i Hercegovine, Procedure nadzora putnika u međunarodnom prometu kao odgovor na pojavu novog koronavirusa (COVID-19), a koje su se primjenjivale prema svim putnicima koji dolaze s područja NR Kine, od danas se imaju primjenjivati i prema svim putnicima koji dolaze s područja Italije, Južne Koreje i Irana. Rok: Odmah
2. Nalaže se Federalnoj upravi za inspekcijske poslova, zavodima za javno zdravstvo u Federaciji BiH, kao i kantonalnim kriznim stožerima da osiguraju da svi BH državljani i strani državljani koji imaju stalni ili privremeni boravak u Federaciji BiH, a koji su se unazad sedam dana, računajući od 24.02.2020. godine, vratili u BiH iz Italije, Južne Koreje i Irana da se putem telefona, bez obzira da li imaju simptome bolesti ili ne, jave svom nadležnom kantonalnom zavodu za javno zdravstvo radi savjetovanja o daljnjem postupanju, te ostanu u kućnoj samoizolaciji. U slučaju pojave simptoma respiratorne bolesti (povišena temperatura, kašalj, otežano disanje) trebaju se telefonom odmah obavijestiti hitnu pomoć. Rok: Odmah
3. Putem Federalnog ministarstva obrazovanja i nauke, te nadležnih kantonalnih ministarstava za obrazovanje, preporučiti da u cilju sigurnosti učenika i nastavnika otkažu ekskurzije i organizirana školska putovanja u Italiju. Rok: Odmah
4. Preporučuje se BH državljanima, kao i stranim državljanima koji imaju stalni ili privremeni boravak u Federaciji BiH, da ne putuje u zemlje u kojima se pojavio novi koronavirus (COVID-19).
Odmah
5. Nalaže se kriznim stožerima nadležnih kantona da osiguraju na preostala dva aerodroma (Mostar i Tuzla) prisustvo sanitarne inspekcije prilikom dolaska svih aviona, te da im se na aerodromu obezbijede adekvatni uvjeti za rad uz pridržavanje mjera osobne zaštite.
Rok: Odmah

6. Nalaže se kantonalnim kriznim stožerima da dostave prijedloge potencijalnih lokacija na području kantona za karanten, a što je nerealizirana naredba Kriznog stožera Federalnog ministarstva zdravstva od 03.02.2020. godine.
Rok: Odmah
7. Nalaže se Federalnom i kantonalnim zavodima za javno zdravstvo, kao i kantonalnim kriznim stožerima da osiguraju 24 satni dostupan kontakt telefon, koji će biti javno objavljeni i dostupni građanima za sve dodatne informacije. Navedeno se odnosi i na Krizni stožer Federalnog ministarstva zdravstva.
Rok: Odmah
8. Nalaže se Zavodu za javno zdravstvo Federacije BiH da izvrši reviziju mjera za stanovništvo, zdravstvene ustanove, zdravstvene djelatnike, federalne granične sanitarne inspektore, te Graničnu policiju BiH sukladno promjenjenoj epidemiološkoj situaciju u svijetu i susjedstvu u svezi novog koronavirusa (COVID-19). Rok: Odmah
9. Ova naredba stupa na snagu danom donošenja.

Broj: 01-33-/20
24.veljače 2020. godine
S a r a j e v o

**MINISTAR I PREDSJEDAVAJUĆI
KRIZNOG STOŽERA FMZ**

Doc. dr. Vjekoslav Mandić, v.r.